


2001




Faint, illegible text in vertical columns on the left page.



Faint, illegible text on the left page.

Faint, illegible text on the left page.



門二
號 579
卷

新刻獸經全



麒麟

爾雅曰麋麋身牛尾一角漢京房易傳曰馬蹄有五
彩腹下黃高丈二吳陸機草木鳥獸魚蟲疏曰黃色
圓蹄角端有肉音中鐘呂行中規矩遊必擇地詳而
後處不履生蟲不踐生草不羣居於侶行不入陷阱
不羅羅網王者至仁則出

亦曰瑞獸



黃省曾

撰

胡文煥

校

丁

牡鳴曰逝聖牝鳴曰歸和春鳴曰扶助夏鳴曰養緩
尚書中候握河紀云帝軒題象麒麟在囿孝經援神
契曰德至鳥獸則麒麟臻唐傳云堯時麒麟在郊
春秋感精符曰王者不刳胎不剖郊則出於郊漢董
仲舒春秋繁露曰恩及羽蟲則麒麟至鵠冠子曰麟
者玄扃之精也德能致之其精必至

毛族之君長也

大戴禮記曰毛蟲三百六十而麟爲之長王隱晉書
曰太始元年白麟見羣獸皆從

騶虞義獸

山海經曰林氏國有珍獸大若虎五彩畢且尾長於
身名曰騶虞乘之日行千里漢許慎說文曰食自死
之肉名曰騶虞草木鳥獸魚蟲疏曰騶虞白虎黑文
不食生物不履生草應信而至者也蓋白虎西方毛
蟲故云義獸孫柔之瑞應圖記曰王者不暴虐及行
葦則見孝經援神契曰德至鳥獸白虎見河圖括地
象曰令嘗野中有玉虎晨鳴雷聲聖人感期之興

羔羊跪乳

說文曰羔羊子也春秋繁露曰羔欲其母必跪類知
禮者公羊傳何休注云乳必跪而受之

羴羊善鬪

爾雅曰羴如羊郭璞注曰羴羊侶吳羊而大角角椿
出西方晉呂忱字林曰野羊大角者也宋陸佃埤雅
曰善鬪至死廣志曰羴羊角重於肉

羴羊防患

爾雅曰麤夫羊郭璞注曰侶羊而大角圓銳好在崖
間陶隱居云角甚多即感感圍繞唐陳藏器本草拾
遺曰羴羊角有神夜宿以角掛樹不着地蓋防患也
字說云鹿比其類環其角外向以自防麤獨棲其角
木上是所謂麤

夷羊不祥

急就篇顏氏注曰羴羊未卒歲也一曰夷羊重百觔
者為羴王應麟補注曰夷羊怪獸殷之衰夷羊在牧

馬之良者曰駒駘曰驥

字林云駒駘北狄良馬也一曰野馬史記曰匈奴奇
畜則駒駘瑞應圖記曰幽隱之獸有明王在位則至
穆天子傳曰野馬走五百里說文解字曰驥千里馬
也回鶻傳曰唐時東骨利幹國產良馬曰中馳數百
里太宗時來獻帝取其異者號十驥

蹄跡曰駢

爾雅曰駉蹄斫善陸離郭璞注曰駉蹄如斫而健上山秦時有駉蹄苑

小頭曰盜驪

邢昺爾雅疏曰駉馬小頭名曰盜驪穆天子傳曰天子命駕八駿之乘右服盜驪而左綠耳

青曰騏

急就篇顏氏注曰青驪之馬文如綦也說文解字曰文如博綦尸子曰馬有秀騏

赤曰騶

說文解字曰赤馬黑毛尾也荀子曰騶騶騏騏織騶

綠耳古之良馬也

紫曰紫營

葛洪西京雜記曰文帝自代還有良馬九匹故曰紫營騶尸子曰我得民而治則馬有紫營蘭池

白曰白義

穆天子傳曰天子八駿三曰白義王粲漢末英雄記曰公孫瓚常常乘白馬又揀白馬數十疋選射之士號為白義從以為右左翼胡甚異之

非龍曰龍

周禮曰馬八尺以上為龍乃今曰駕蒼龍尚書中候

曰龍馬赤文綠色

非魚曰魚

爾雅曰二目白魚郭璞注曰侶魚目也詩曰有驪魚

回毛在膺曰宜乘

邢昺爾雅疏曰回旋也膺曾也旋毛在曾者名宜乘
漢樊光爾雅注曰俗呼之官府馬李伯樂相馬法旋
毛在腹下如乳者千里馬

在肘後曰減陽在幹曰第方背曰闕廣

邢昺爾雅疏曰此別馬旋毛所在之名也幹脅

馬火畜也其蹄圓其疾卧起先前足牛土畜

也其蹄圻其疾立卧先前足

造化權輿云夫乾為馬坤為牛乾陽物也馬故蹄圓
坤陰物也牛故蹄圻陽病則陰勝故馬疾則卧陰病
則陽勝故牛疾則立馬陽物故起先前足卧先後足
牛陰物故起先後足卧先前足

虺獅子也無角而喜走

司馬彪續漢書曰章和元年安息國獻獅子形似麟
而無角後漢順帝紀陽嘉二年疏勒國獻獅子封牛
漢劉珍東觀漢記曰疏勒王盤遣使文時詣闕獻獅
子似虎正黃有頰形尾端茸毛大如斗張華博物志

曰魏武伐頓冒得獅子還至四十里鷄犬皆無鳴吠
亦曰狡魔

爾雅曰狡魔如魏貓猗食虎豹璞注曰即獅子也穆
天子傳曰狡魔日走五百里

亦曰白澤

說文曰一名白澤瑞應圖記曰黃帝巡於東海白澤
出能言語賢君德及幽遠則出

虎於虺也無角而善卜

說文曰虎山獸之君也楚謂之於虺能盡地卜食狐
剛子感應類從譜曰虎行以瓜圻地觀奇耦而行

亦曰李耳

漢楊雄絕代語釋別國方言曰虎陳魏宋楚之間謂
之李父江淮南楚之間謂之李耳注曰虎食物值耳
即止以觸其諱故也

亦曰伯都

方言曰自關東西或謂之伯都

黃黑曰蝮

爾雅曰蝮卽鼻而長尾郭璞注曰蝮侶獠猴而大黃
黑色尾長數尺侶獠尾未有岐鼻露向上雨卽自縣
於樹以尾塞鼻或以兩指江東人亦取養之為物捷

徒

蒼白曰貊

廣志曰貊色蒼白其皮濕暖南中八郡志曰貊大如驢狀似熊多力食鉄所觸物無不拉

獬豸任法

漢東方朔神異經曰獬豸忠直見人闕則觸不直聞人論則咋不正一名任法獸

嬾婦惡織

異物志云昔有婦嬾織姑槁之死為此獸其膏以照讀書績紡則暗若宴會歌舞則明

麇麇短脰

邠昂爾雅疏曰脰項也麇麇之獸皆短項

威夷長脊

爾雅曰威夷長脊而泥邠昂爾雅疏曰威夷之獸長脊而劣弱少力也

豺祭以獸其陳也方秋獵候也

爾雅曰豺狗足說文曰狼屬狗聲邠昂爾雅疏曰貪殘之獸月令曰季秋之月豺祭獸獫狁又曰是月也天子乃教於田獵埤雅曰豺獺之祭皆四面陳之而獺圓布豺方布

獺祭以魚其陳也圓春漁候也

埤雅曰獺獸西方白虎之屬似狐而小青黑色膚如
伏翼水居食魚說文曰獺屬月令云孟春之月獺祭
魚然後虞人入澤梁本草回經曰江湖間多有之北
土人亦馴養以為馮魏張揖廣雅曰一名水狗然有
兩種有獺獺形大頭如馬身似蝙蝠淮南子曰養池
魚者不蓄獺獺

麀統其類

獸侶鹿而大名苑曰鹿之大者曰麀羣鹿隨之皆視
麀所往麀尾所轉為準

果然號其類

偽唐徐鉉吳錄曰九真晉浦縣有獸名果然後狄類
也色青赤有文居樹上吳萬震南州異物志曰交州
以南有果然獸其名自呼身如猿犬面唐李肇國史
補曰揚州人取一果然而數十果然可得蓋果然不
忍傷其類聚族而蹄雖殺之不去也此禽獸狀而水
心薄俗有不如者果然大類猩猩

孤惡其類鬼所乘也一名玄丘校尉千年變
淫婦

埤雅曰狐性疑則不可以合類故字從孤省也說文

曰狐妖獸鬼所乘也海錄碎事曰玄丘校尉狐也郭
氏玄中記曰千歲之狐為淫婦百歲之狐為美女名
山記曰狐者先古之淫婦也其名曰紫化而為狐故
其性多自稱阿紫于寶搜神記曰狐媚人自稱阿紫
唐段成式酉陽雜俎曰野狐名紫夜擊尾出火將為
恠必戴鬪髀拜北斗不墜則化為人矣

鹿愛其類仙所乘也一名鉅鹿候千年變蒼

白

爾雅曰鹿牡麋牝麀其子麇鳥獸草木魚蟲疏曰鹿
欲食皆鳴相召志不忌也埤雅曰鹿愛其類出於天

性舊說鹿者仙獸嘗自能樂性從其雲泉至六十年
必懷於角下角有班痕紫色如點行或有涎出於口
不復能急走也葛洪神仙傳曰魯女生者餌木絕穀
入華山後故人逢女生乘白鹿從玉女數十人海錄
碎事曰鉅鹿侯鹿也抱朴子曰鹿壽千歲滿五百歲
則色白劉向列仙傳曰鹿一千年為蒼鹿又百年化
為白鹿又五百年化為玄鹿

熊子路也自樹而投地

說文云熊似豕山居冬蟄春出袒冲之迹異記曰東
土呼熊為子路劉敬叔異苑曰以物擊樹云子路可

起於是便下不呼則不動也詩義疏曰熊能攀緣上高樹見人則顛倒投地而下

猶犬子也自地而升樹

爾雅曰猶如麋善登木說文云隴西謂犬子為猶獾屬也海錄碎事曰聞人聲乃豫升木如此上下故稱猶豫

狒狒人面而善笑

爾雅曰狒狒如人被髮迅走食人郭璞注曰梟羊也山海經曰梟羊在此煦之西其狀人面長脣有毛反踵見人笑亦笑左手操管

猩猩人面而善啼

爾雅曰猩猩小而好啼山海經曰人面豕身能言語郭璞注曰今交趾封谿縣出狀如獾狔聲似小兒啼蜀志曰音作小兒啼聲既能人語又知人名鄴道元水經注曰猩猩形若狗而人面頭顱端正善與人言音聲妙麗如婦人對語聞之無不酸楚南中志曰止人執還內牢中人欲取者到牢邊詰云猩猩可自推肥者出之既擇肥竟相對而泣

文文善呼

山海經曰放臯之山有獸焉其狀如蜂螯尾而反舌

善呼其名曰文文

雙雙善行

山海經曰南海之外赤水之西流沙之東有三青獸
相并名曰雙雙

羊羴羴也亦曰羴殺

爾雅曰羊牡羴北羴夏羊牲羴北殺郭璞注曰羴吳
羊白羴夏羊黑殺羴黑羴也歸藏曰兩壘兩羴

亦曰髯鬚主簿其聲羊羊非但草不悅

崔豹古今注曰羊一名髯鬚主簿說文解字曰羊羊
鳴也從羊象聲氣上出其性嗜草

豬豶彘也亦曰豶彘

方言曰豬北燕朝鮮之間謂之豶關東西或謂之彘
或謂之豕南楚謂之豶其子或謂之豚或謂之彘吳
揚之間謂之猪子

亦曰長喙豶軍其聲嘍嘍非人便不珍

古今注曰豬一名長喙豶軍漢趙岐三輔決錄曰第
氏兄弟五人共竹客舍養猪賣豚故民謂之曰苑中
三公鉅下二卿五門嘍嘍但聞做聲符子曰朔人獻
燕昭王以大豕曰養奚若使曰豕也非大園不居非
人便不珍今年百二十矣人謂豕仙

豹廉獸也廉而有文

豹一名程列子曰程生馬古詩云餓狼食不足餓豹食有餘言狼貪豹廉有所程度而食埤雅曰豹花如錢黑而小於虎文豹有赤白玄數種草木鳥獸魚蟲疏曰尾赤而文黑謂之赤豹毛白而文黑謂之白豹爾雅曰豹白豹郭璞注曰似熊小頭痺脚黑白駁山海經云幽都之山有玄虎玄豹

狼貪獸也貪而有靈

說文曰狼似犬銳頰而白頰埤雅云狼青色作聲諸竅皆沸里語曰狼卜食將遠逐食必先倒立以下所向故今獵師遇狼輟喜蓋狼之所嚮獸之所在也其靈智若此故古之造式者不用槐癭棗瘡而以狼牙為柱取其靈智也

麝父別香

爾雅曰麝父麝足字林云小鹿有香其足似麝故曰麝足陶隱居云麝夏月食蟲蛇多至塞則香滿入春急痛自以瓜剔出之著屎溺中覆之皆有常本草圖經曰趙蹄公雜說云西北之麝噬虺而食栢故其香結東南山谿有松而無栢故麝不結也

舍利吐金

文選東京賦注云舍利獸名性吐金故名舍利

麋性喜山

埤雅曰麋性喜山抱朴子曰山中未日稱赤史者麋也說文曰麋麋也爾雅曰麋牡麋牝麋其子麋

麋性喜澤

埤雅曰鹿林獸也麋澤獸也又曰麋性喜澤博物志曰麋掘澤草而食其場成泥名曰爰民隨此爰種稻其收百倍爾雅曰麋牡麋牝麋其子麋

駝智而安

漢書月氏注曰橐駝脊上若封土然晉陸翹鄴中記

曰脊如馬鞍博物志曰燉煌西流沙往外國千里餘中無水時有伏流處人不能知橐駝知水脈過其處輒停不行以足踏地人於所踏處掘之則得水後周四夷傳曰流沙四百里夏日多熱風其風欲至唯老駝知之即預鳴而驟之埋其口於沙中是謂智而安

蝟鈍而斃

爾雅曰彙毛刺邗昂疏曰彙即蝟也其毛如針埤雅曰蝟狀似鼠性極瘁鈍物小犯近則毛刺攢起如天見鵲便仰腹受喙其矢輟爛淮南子曰鵲天中蝟此

理之不可推也是謂鈍而斃

貉愚而全

字林曰貉似狸善睡然其營窟與獾皆為曲穴以避雨暘亦以防患淮南子曰獾貉為曲穴

狙巧而危

廣雅曰猴一名狙一名王孫一名胡孫莊子曰吳王浮於江登於狙之山衆狙見之恂然棄而走有一狙焉委蛇攬搔見巧乎王王射之敏給搏矢王命相者走射之狙死王顧其友顏不疑曰狙之伐巧持其便以傲予以至此極也吳筠玄猿賦曰狙伐巧而招射

蒼兕覆舟

爾雅曰兕似牛說文曰兕如野牛青毛其皮堅厚可制鎧漢王充論衡曰太師尚父為周司馬將帥伐紂到孟津之上拔鉞把旄號其衆曰蒼兕水中之獸也善覆人船因神以化欲令急渡

黃羆拔木

爾雅曰羆如熊黃白文郭璞注曰長頭高脚猛憨多力能拔樹木

黑犀駭鷄

爾雅曰犀似豕郭璞注曰形似水牛豬頭大腹痺脚

脚有三啼黑色三角在頂額鼻上鼻上者食角也劉
伯嶺表錄異曰犀有三角一在額上為兕犀一在鼻
上為胡帽犀牯犀亦有二角皆為毛犀而今人多傳
一角之說韓詩外傳曰太公使南宮适至義渠得駭
鷄犀抱朴子曰通天犀有白理如線者以盛米置羣
鷄中有鷄欲往啄米至輟驚却故南人名為駭鷄犀
也

玉面息鼠

廣雅曰狸一種面白而似牛故名玉面又名牛尾人
家捕蓄之鼠皆帖伏不復出穴矣

獨一鳴而損絕影

感應類從譜曰獨一叫而猿散蓋獨猿類也似猿而
大食損俗謂之獨猿其一鳴猿皆騰木拔林振動倬
慄而避匿之矣

猿三鳴而人下淚

說文曰獼屬或黃或黑春秋繁露獼似猴大黑色
長前臂郭仲產荊州記曰巴東三峽獼長鳴至三聲
聞者莫不垂淚空都山川記曰峽中獼至清諸山谷
傳其響泠泠不絕行者歌之曰巴東三峽獼鳴悲獼
鳴三聲泪沾衣

烏龍喜雪

千寶搜神記曰張然犬名烏龍埤雅曰火喜雪諺云
雪落狗喜

丈人喜月

抱朴子曰山中郊曰稱丈人者兔也古今注曰兔口
有缺論衡曰生子從口中出埤雅曰吐而生子故謂
之兔春秋運斗樞曰王衡星散而為兔魏魚豢典畧
曰兔者明月之精博物志曰兔望月而孕

風獸兆風

山海經曰凡山有獸焉其狀如羸黃身白尾名曰聞

鱗見則天下大風易曰風從虎

火獸兆火

山海經曰鮮山有獸焉其狀如獾大赤喙赤目白尾
見則其邑有火名曰移即

水獸兆水

山海經曰空桑之山有獸焉其狀如牛而虎文其音
如歛名曰軫軫見則天下大水

旱獸兆旱

山海經曰拒山有獸焉其狀如豚其音如狗吠其名
曰狸力見則其邑多士功

山丈求金縢 山姑求脂粉

海錄雜事曰嶺南皆有一足反踵手足皆三指雄曰山丈雌曰山姑夜扣人門雄求金縢雌求脂粉

象之膽春前左而夏前右

說文曰象長鼻牙南越之太獸三歲一乳異物志曰象身倍數牛而用不如豕鼻長六七尺大如臂其所食物皆以鼻取之沈懷遠南越志曰象牙長丈餘脫其牙則深藏之削木代之可得圖經曰象有十二種肉配十二辰屬惟鼻是其肉又膽不附肝階月在諸肉間浮化中上苑一馴象斃太宗命取膽不獲使問

徐鉉鉉曰當在前左足既而剖足果得又問其故鉉曰象膽隨四時今其斃在春故知在是也

貓之睛午則豎而暮則圓

酉陽雜俎曰貓目睛旦暮圓及午豎斂如線其鼻端掌冷唯夏至一日暖一名蒙貴一名烏圓

在子其鳴也在子

酉陽雜俎曰在子者鼈身人首炙之以蘆則鳴曰在

子

孟極其名曰孟極

山海經曰石者之山有獸焉其狀如豹而文題白身

名曰孟極是善伏其名自呼

窮奇之音獐狗

山海經曰邽山其上有獸焉其狀如牛蝟毛名曰窮奇其音如獐狗

諸懷之音鳴鴈

山海經曰北嶽之山有獸焉其狀如牛而四角人目羸耳其名曰諸懷音如鳴鴈

羸羸一目

山海經曰秦戲之山有獸焉其狀如羊一角一目目在耳後其名曰羸羸

從從六足

山海經曰狗狀之山有獸焉其狀如犬六足其名曰從從

蟹則比肩

爾雅曰西方有比肩獸焉與邛邛距虛比為邛邛虛蟹其草即有難邛邛距虛負而走其名曰蟹呂覽曰蟹鼠前而兔後趨則頓走則顛

羸則無口

山海經曰洵山有獸焉其狀如羊而無口不可殺也其名曰羸郭璞注曰稟氣自然

風狸長眉

酉陽雜俎曰南山有獸名風狸如狙眉長好羞見人
至低頭無人至乃於草中尋摸忽得一草莖折之長
尺許窺樹上有鳥集指之隨指而墮因取而食之

足訾文臂

山海經曰蔓聯之山有獸焉狀其禺而有鬣牛尾文
臂馬蹄見人則鳴名曰足訾

驢父馬母曰羸

崔豹古今注曰驢為牡馬為牝則生羸

馬父驢母曰駃騠

說文曰駃騠馬父驢母也

山都見人則走

異物志曰廬陵大山之間有山都似人裸身見人便
走自有男女長四五尺

狢狢見人則眠

山海經曰餘蒺之山有獸焉其狀如菟而鳥喙蛇尾
見人則眠名曰狢狢郭璞傳云佯死也

遇畏則畏

獸各遇其所畏則畏如貙畏虎畏熊之類
遇食則食

獸各遇其所食則食之如豹食豺豺食蝟之類

有所制有所醉

如蝟制虎猫食薄荷則醉虎食狗則醉之類

無角者膏有角者脂肉食者悍草食者愚

酉陽雜俎曰食草者多力愚如牛馬之屬食肉者勇
敢而悍如虎狼之屬

萃三曰羣偶二曰友

小雅日篇曰或羣或友用語語曰獸三為羣故二曰友
友親於羣在數宜少

生子曰產齧草曰薦

說文曰人及鳥生子曰乳獸曰產獸之所食草為薦
古者神人以薦獸遺黃帝帝曰何食何處曰食薦

土處曰穴木處曰窟

穴處如熊類爾雅釋獸以闕洩以上為窟屬邢昺爾
雅疏曰窟寄也言此上獸屬多寄窟木上故題云窟
屬

色隨五行

蒼龍之屬木行赤豹之屬火行黃熊之屬土行白虎
之屬金行黑豬之屬水行

毛鷹四氣

春則毛盛夏則毛希少而革易秋則更生而整理冬則生而毛細毛以自溫焉

或變化或各歷年歲

如熊五百歲能化為狐狸兔五百歲色變白狼三百歲善變人形之類

異種殊形同歸地理

獸之種類不齊形狀各殊然獸皆行地之物同易曰牝焉地類

新刻獸經終

